

Gij Gyaez “Daxmeh”

“母亲”的爱

环江思恩镇西南小学二年级 韦福凯

Gyoengqvunz cungj ciengq: “Gwnzbiengz cijmiz daxmeh ndei, lwgnyez miz meh lumj gaiq bauj, ndonj haeuj ndaw rungj daxmeh bae, vuenyungz lai dangqmaz.” Gou cix mbouj doengz, gou cix ciengq: “Gwnzbiengz cijmiz mehbaj ndei, lwgnyez miz baj lumj gaiq bauj, ndonj haeuj ndaw rungj mehbaj bae, vuenyungz lai dangqmaz.”

Daxmeh gou daengx bi youq rog dajgoeng, daj gou rox saeh hwnj, mehbaj couh lumj daxmeh yienghhaenx ciuqgoq gou. Moix ngoenz hai da yawjraen, dwg fajfwngz mehbaj yaeng'yaeng lumh aennaj gou, gyanghwnz siengj daxmeh, siengj daengz daej lo, dwg youq ndaw rungj mehbaj ninzndaek. Geiq ndaej bae youwzyenz doegsaw seiz, daegbied dwg seiznit, mehbaj moix ngoenz cungj yungh ciendamj bau gou ndaet bae, yungh aenndang nyieg de, aemq gou bae hagdangz. Daj bae youwzyenz daengz siujyoz it nienzgaep, cungj dwg mehbaj soengq gou cieq gou.

Bi' gvaq ndwencieng, daxmeh ma ranz lo, couh youq gou caeuq daxmeh guhcaemz ndaej gig angq seiz, cainanh daj gwnzmbwn roengzdaeuj, aenvih gou saetdiuq, bungq deng aenhuz raemxgoenj gwnz daiz, gij raemxgoenj ndaw huz, bienbien boek youq gwnz din gou, log ndaej gou daejnga'nga hwnjdaeuj, daxmeh mbouj rox baenz-lawz guh, dinfwngz luenh caez. Mehbaj dingqnyi le, ganjgip buet gvaqdaeuj, mbouj gangj saek gawq vah youh buet



hwnj gwnz laeuz bae, gwed daeuj aen namzgva he, gou cingq siengj hemq, din gou deng log lo, mwngz gwed namzgva daeuj guh gijmaz? Cij raen mehbaj aeu fagcax daeuj, bag hai namzgva, yungh nyaqsim namzgva oep youq gwnz din deng log gou. Mehbaj yienghneix oep, din gou couh sikhaek mbouj in lo, gij sing daej gou hix ciemhciemh iq lo. Doeklaeng, mehbaj youh aemq gou bae yihyen, daengz yihyenz, canghyw naeuz, mwngz yienghneix guh gig ndei, ndaej sawj giz logsieng bienq liengz, hoeng, lij aeu youq ndaw yihyen yw cij ndaej.

Ndwencieng baez gvaq, daxmeh youh bae dajgoeng lo, Youq ndaw yihyen, mehbaj moix ngoenz yunghsim ciuqgoq gou. Din gou ndei lo, mehbaj hix byom bae gien ndeu lo, gou got ndaet mehbaj naeuz: “Gou majhung le, itdingh hauqswnh mwngz.” Mehbaj doiq gou naeuz: “Mwngz dwg lwg mehbaj.”

Mehbaj, gou gyaez mwngz, mwngz couhdwg “daxmeh” gou.

(指导老师:莫秋菊)

Fungsaenq Sij Hawj Vangz Hungz

一封写给黄红的信

贵港市覃塘区蒙公乡高占小学四(2)班 李彩英

Vangz Hungz:

Mwngz ndei! Mbouj rox seizneix simcingz mwngz baenz-lawz yiengh? Dwg mbouj dwg lij simnyap? Siengsaenq mwngz doeg fung hoizsaenq gou, itdingh angqyangz hwnjdaeuj. Gou doeg sat fungsaenq mwngz, daegbied lijgaij gij simcingz mwngz. Gou hix nyangz gvaq cungj saehcingz neix.

Geiq ndaej gou doeg seiq nienzgaep seiz, banhcangj dou gvaq ngoenzseng, haujlai doengzhag cawx gij laex hawj banhcangj haenx gig bengz. Gou ne? Yunghsim vih banhcangj guh mbaw gajben cukhoh ngoenzseng ndeu, youq gwnz gajben veh aen dangauh hung ndeu, gwnz dangauh lij veh cib diuz labcuk, youq henz sij naeuz: “Ngoenzseng haisim!” Mwh gyoengq doengzhag soengq laex, gou gaem mbaw gajben ngoenzseng, gamj-daengz gig mbouj miznaj,



gyoengq doengzhag cungj geizgvaiq yawj gou, gwnz naj gou ndatfdwfd. Dang gou dingqnyi bouxwnq gangj gou “ged” seiz, ndawsim geijlai nanzsauh ha. Gou gamjdaengz youq baihnaj daihgua gig saetnaj, baenzngoenz ngaem gyaeuj, sim cungj mbouj onj.

Gyanghaemh, gou sawqmwh cieq daengz dienhvah banhcangj. De angqvauvau dwk lwnh gou, de cingjleix gij laex gyoengq doengzhag soengq seiz, fatyienh mbaw gajben cukhoh ngoenzseng gou soengq haenx cieq habhoz. De naeuz mbaw gajben cukhoh cang rim caencingz, beij gijmaz laex cungj dijbauj. Gou dingq gij vah neix le, sim soeng lai lo, gamjdoengh dwk raemxda aeng lo. Gou sawqmwh gamjdaengz baengzyoux aeu lijgaij caeuq bauyungz, aeu yungh caensim bae dajleix.

Vangz Hungz, doeg daengz neix, mwngz simcingz ndei di luba, gou siengsaenq, gyoengq doengzhag itdingh mbouj aenvih gij saeh iq haenx mbouj leixlangh mwngz.

Doeklaeng, hoh mwngz ngoenzngoenz sim'angq!

Baengzyouz mwngz: Vangz Meiz

2015 nienz 1 nyied 8 hauh
(指导老师:覃珍团)



Roegyengj Rw Bak

鹦鹉学舌

yawjyawj, dwg roegga. Roegyengj ngamq siengj dongx, roegga gaenq mbin gyae lo. Roegyengj miz di hozndat, couh hag roegga hemq hwnjdaeuj: “A, a, a, duz roegga, a, a, a.”

Roeggacak daeuj lo, raen dwg roegyengj hag roegga hemq, couh riu naeuz: “Dwg roegyengj dahnuengx ha? Gou laihnaeuz dwg roegga bw.” Roegyengj naeuz: “Roegga daiq mbouj roxsoq lo, mbin gvaq lienx dongx hix mbouj dongx gou……Roeggacak daeggo, raeuz diuqfoux ba?” Roeg-gacak naeuz: “Gou daeuj ra roegga miz di saehcingz. Caiqraen lo, roegyengj dahnuengx!” Doq gangj doq mbin deuz lo. Roegyengj hozndat, youh hag roeggacak hemq hwnjdaeuj: “Ca ca ca, gijmaz ndei saeh haeuj gya? Roeggacak cij rox ra roegga!”

Mbouj miz doi, roegyengj couh swheij ciengq go, de yaep ndeu hag roegvenz, yaep ndeu hag roeghenj.

Boux vunzaefwnz ndeu cingq youq laj gofaex yietnaiq, yawj ngoengq

lo, dingq maez lo.

Bouxaeufwnz nyaenx mbouj ndaej doiq roegyengj gangj: “Roeg iq, mwngz ndei.”

Roegyengj hix gangj: “Mwngz ndei.”

Bouxaeufwnz gig doeksat: “Vah gou mwngz hix rox?”

Roegyengj gangj: “Hix rox, hix rox.”

Bouxaeufwnz angq dangqmaz. De gaeb duz non ndeu cuengq gwnz mbawfaex bae, hawj roegyengj gwn.

Yienghneix, baez it seng, baez ngeih sug, roegyengj caeuq boux vunz neix sug lo. Doeklaeng, bouxaeufwnz daiq roegyengj ma ranz, son roegyengj rox gangj haujlai vah.

Ngoenz ndeu, bouxaeufwnz daiq roegyengj bae camgya doxdax gangj-vah.

Bouxaeufwnz dawz roegyengj cuengq ndaw roengqroeg bae, youq gwnz roengq goemq fan baengzndaem ndeu, daeujdaengz aenciengz doxdax. Bouxaeufwnz raen miz haujlai roeg-

yengj, gag danq naeuz: “Hai, baenzlai roegyengj!”

Hwnj ciengz lo, bouxaeufwnz baez biengj fan baengz goemq, roegyengj yawjyawj seiqlengq, danq naeuz: “Hai, baenzlai roegyengj!” Daengx ciengz cungj haenhndei. Roegyengj ndaej daih'it mingz lo.

Boux vunzfouq ndeu ok haujlai ngaenz cawx roegyengj baema lo.

Gvaq geij ngoenz, bouxcawj moq cingj hek. De siengj hawj roegyengj doiq gyoengq hek gangj: “Hai! Baenzlai hek!” Mboujliuh, baez biengj baengz goemq, roegyengj couh danq: “Hai! Baenzlai roegyengj!”

Daengx ciengz riuhaha. Roeg-yengj angqvauvau.

Bouxawj gig saetnaj, ndaq roegyengj: “Mwngz duz raq neix!” Roegyengj swenj naeuz: “Mwngz duz raq neix! Mwngz duz raq neix!”

Bouxawj hozndat naeuz: “Yaep ndeu mwngz couh dai!” Roegyengj hix hozndat naeuz: “Yaep ndeu mwngz couh dai! Yaep ndeu mwngz couh dai!”

Bouxawj huj dwk fad aen roengq, sej roengq sanq lo, roegyengj hwk ndaej “ha” sing ndeu, bulu mbin deuz lo.

Gyoengq hek naeuz: “Roegyengj cij rox rw bak, gaenbonj mbouj rox gangjvah!”

(Ganh Sozywnz/甘说文)